



清代起居注冊

國立故宮博物院珍藏



同治朝 第八冊

國立故宮博物院珍藏



清代起居注冊

同治朝

第八冊

同治二年三月上……	三八五一
同治二年三月下……	三九四九
同治二年四月上……	四〇七一
同治二年四月下……	四二二一

清代起居注冊 — 同治朝

(清) 桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清) 桂清楊等奉敕撰

654.78
7436
72

NT \$ 86,000.00

清代起居注冊

同治朝第八冊

資料提供者 國立故宮博物院
景印者 聯合報文化基金會國學文獻館
發行人 王必成
發行者 聯經出版事業公司

臺北市忠孝東路四段五五七號
電話：七六〇一六一六一二三一七
郵撥：一〇〇五五九號

行政院新聞局登記證局版臺業字〇一三〇號
保有版權・翻印必究

中華民國七十二年十二月初版

咸同兩朝共壹佰冊
定價每部新台幣八六〇〇〇元

72 · 12 · 0650

· 89007165 ·

同治二年歲次癸亥三月初一日丁未

上詣綏履殿

母后皇太后前請安平安室

聖母皇太后前請安

是日

起居注官伍忠阿杜聯

初二日戊申

上詣綏履殿

母后皇太后前請安平安室

聖母皇太后前請安

是日

起居注官延煦楊秉璋

初三日己酉

上詣綏履殿

母后皇太后前請安平安室

聖母皇太后前請安是日內閣奉

諭旨吏部奏請將漏未移付之司員嚴議一摺前

因平瑞奏前任烏魯木齊都統法福禮奏寶迪
局鑄額加增請將出力人員各案尚未接准部
覆當經降旨令戶部迅即查覆茲據吏部奏稱
查戶部議覆原文兩次知照考功司應由該司

移付文選司呈堂辦理乃該司員等僅將遣戍
釋回之員先經辨結而於應行議叙各員漏未
移付以致事隔年餘尚未議覆實非尋常疎忽
可比請將經手遺漏之司員嚴加議處等語各
衙門交議案件曾經諭令妥速辦理逐日清釐
毋任積壓此案吏部考功司司員於戶部議覆
烏魯木齊請獎原文時閱年餘並未移付文選

司覈辦雖據聲稱並無別項情弊實屬遺漏疎
忽所有經手遺漏之司員著交都察院查取職
名嚴加議處以示懲儆因思各衙門應辦案件
似此等遺漏之處仍必不少著各衙門堂官督
飭司員悉心查覈趕緊清釐毋再稽延干咎經
此次申諭之後儻仍前因循玩誤任意延擱或
為書吏蒙不能破除積習認真整頓必當從重

懲處勿謂不戒視成也又奉

諭旨禮部奏舉人到京已逾覆試之期可否照上年成案先行會試一摺江西舉人臧淵雅等於去歲十二月由本籍起咨赴京覆試本年二月二十八日始行到京已逾覆試之期係由道途梗阻並非有心遲誤所有江西舉人臧淵雅等著仍照上年成案准其先行一體會試俟場後

再令補行覆試如其中有應行罰停會試者即
由禮部知照知貢舉將該卷扣除此外各省如
有續到者均准其一體辨理嗣後道路疏通仍
不得援以為例又奉

諭旨張之萬毛昶熙奏攻克賊寨擒斬首逆等語
河南正陽縣屬擒匪彭小案等佔踞小彭寨等
處結黨抗拒經該縣知縣方鏞等先期約令寨

民內應二月二十二日守備王文行檢討吳元
炳等督軍前往四面環攻該逆環牆鎗礮齊施
王文行等率領壯勇鼓銳踰溝直薄門下忽寨
內人聲鼎沸賊皆內顧官軍乘勢攻開寨門一
擁而入寨中良民幫同殺賊將逆黨搜殺殆盡
擒首彭小案及夥黨彭敬等七十八名均經殺
斃並生擒彭意等數十名正法二十五日王文

行督率所部將附近之小楊寨攻克搜殺匪黨
多名並擒獲擒首李名山正法次日探聞大彭
寨擒匪率黨外竄王文行復帶隊追殺多名餘
匪遠遁官軍搜出匿匪十數名正法大彭寨當
即收復剿辦尚屬得手所有尤為出力之守備
王文行著免補都司以遊擊補用並賞戴花翎
其餘在事出力員弁准其彙案請獎以示鼓勵

該部知道是日太常寺題二十三日

萬壽聖節祭

太廟後殿奉

諭旨遣世鐸行禮又題同日祭

顯佑宮奉

諭旨遣柏壽行禮又題同日祭

東嶽廟奉

諭旨遣察杭阿行禮又題同日祭

都城隍廟奉

諭旨遣常喜行禮又題同日祭各

陵寢奉

諭旨是

是日

起居注官訥仁童華

初四日庚戌

上詣綏履殿

母后皇太后前請安平安室

聖母皇太后前請安是日內閣奉

諭旨淮安關監督著希曾去又奉

諭旨前因羅惇衍保奏雲南鹽法道吳惠元請留
於直隸差委曾經降旨令吏部帶領引見茲據

羅惇衍奏吳惠元聞已起程可否仍留直隸差
委抑令赴任等語吳惠元係實任人員現在既
已起程著即迅赴雲南鹽法道本任毋庸調取
引見該部知道又奉

諭旨都察院代奏揀選知縣桂文燦條陳一摺該
知縣遇事敷陳尚見留心所陳各條著各該衙
門分別議奏又奉

諭旨譚廷襄奏淄川踞匪旁竄請將截剿不力之
副將等革職留營等語副將春祺等帶兵剿辦
淄川踞匪並不實力合圍致賊匪潛由東關竄
出繞越該副將等營盤又不奮勇截殺任令賊
匪回巢縱賊失利實堪痛恨譚廷襄請將統帶
不力之膠州協副將春祺都司王宗元暫革留
營之處不足蔽辜春祺王宗元均著革職拏問